

## Key Statements for the 2025 International Chinese-speaking Conference

Rom capat kah aboel 5 kalawng 8 toe te caciim kah awlpuina tila n'thui thai tih tekah awlpui kawng apum boeih te buelhmailh tih acekneh lawngim dawng thui la awm. *Hingna* oen *duekna* he aboel 5 kalawng 8 dawngah hingna kah lawngpui oen duekna kah lawngpui la aka awm aka thunkha lawngpui pahih te tuengsak la awm tih thlaang he Pathen oen setan, hingna oen duekna laklaw kah mikhai pathumben atuatang ah awm tite n'huh la awm.

Mami lawng mami kah patang rainathli dawng Khrih te ng'awmngaih pui u dawngah Pathen kah (Dynamite) thlawna kah kawltung soepsak hamla Bawipa kah hingna dawngah thlawn la ng'awm u, Tekah kawltung tetah khawhuen thlangboel dawngah katuengKhrih kah akahing takpum thoegna oen sakna la awm. Tetah mami lawng Bawipa kah betoet reenna te awmngaihna huen, ngaimawngna Pathen lawng amah kah bawilen tuengna ham oen Bawipa kah taana te nueh hamla seitan te mami kah khawtang ah caawtna huen la awm.

A soeng baptisma te n'huhtawng coengah, a thawhkoepna muisam dawngah Khrih oen haih, Khrih dawngah poe n'rooeng u. Hetah a thai hingna dawng khawsakna la awm.

Rom 8 hetah thumkhat Pathen kah aboet koek soepbir nala thaihu soeprep aka thum, hing peek Muithla oen tuhkai u. Hekah Muithla lawng mami te hingna, moeiboe coengna oen atuengna dawng ah Khrih angla avanrep la n'awmsak ai.

**Outlines of the Messages  
for the International Chinese-speaking Conference  
February 14-16, 2025**

**GENERAL SUBJECT:  
ROM CAPAT KAH ABOEL 5 KALAWNG 8 -  
CACIIM KAH AWLPUINA**

Message One

**Rom Capat Aboel 5 kalawng Aboel 8 dawng Aka Awm  
Hingna kah Lawngpui oen Duekna kah Lawngpui**

Teeham Caciim. Rom, 5:10, 12, 14, 17-18, 21; 6:4, 9, 16, 21 - 23;  
7:5, 10, 13, 24; 8:2, 6, 10-11, 38

**I. Rom capat kah aboel 5 kalawng 8 toe te caciim kah awlpuina tila n'thui thai tih tekah awlpui kawng apum boeih te buelhmaih tih acekneh lawngim dawng thui la awm.**

- A. He awlpui awllung pahih bawk la – *hingna oen duekna* – te Rom capat 5-8 toe ah koekthoek koekthoek thui la awm. Hingna (5:10, 17-18, 21; 6:4, 22-23; 7:10; 8:2, 6, 10-11, 38) oen duekna (5:12, 14, 17, 21; 6:9, 16, 21, 23; 7:5, 10, 13, 24; 8:2, 6, 10-11, 38) he aboel 5 kalawng 8 dawngah hingna kah lawngpui oen duekna kah lawngpui la aka awm aka thunkha lawngpui pahih te tuengsak la awm tih thlaang he Pathen oen setan, hingna oen duekna laklaw kah mikhai pathumben atuatang ah awm tite n'huh la awm.
- B. Hingna thing oen mingna thing (duekna kah thing) lawng lawngpui pahih – hingna kah lawngpui oen duekna kah lawngpui te athoeng sak tih, Baibul caciim dawngah cet phaath tih Awlpawng cabu dawngah boet la awm. Hingna tah hingna thing oen atawng tih (Gen,2:9) hingna kah angna (21:23; 22:5) oen hingna kah bawilenna (Awl,22:1-2). Duekna tah mingnaben thing oen atawng tih (Gen,2:17) hell kat hai oen aboet sak la awm (Awl,20:10, 14).
- C. Hingna thing te caak la aka awm mami kah mami kah hing bawmcem nala Khrih amah te awmngaihna tah thlangboel hingna dawngah akungtawng nala a awm ham ni (Gen,2:9; Awl,2:7). Thlangboel hingna dawngah akthum thaihu tah Khrih awmngaihna sawah ni apai. Mami lawng Bawipa te n'awmngaih tare veng, akathum thaihu tah bawina tare la awm.
- D. Tede Khrih awmngaihna ham Bawipa te lahmacuek lungna oen lungna ham angoe. Mami lawng Bawipa tengah lahmacuek lungna zawlvik kawi nih, Khrih kah awmngaihna oen n'dalh vik vetih, Jesu kah sausi la n'sung vik poen ai. Thaitak la haivang tung tah mami teng kalawng thoeih vik u poen ai – athaan, 4-7.
- E. Lahmacuek lungna te dnagkoop ham atah soeprep boeih dawngah Bawipa Jesu te lahmacuek la n'toekna te ni. Mami kah hingna dawngah Khrih te soeprep la n'awm sak kawi nih, tetah mami lawng lahmacuek lungna n'sungna te n'taa poen tote thuingaihna la awm – Kol,1:18b, Jhn,14:21, 23; Saam,90:1; 91:1; Fil,3:13-14.
- F. Efesa khaw kah thlangboel teng Bawipa kah awlthuiina te english awllung “*l*” oen atawng *lungna (love), hingna (life), angna (light) oen haivang tung (lampstand)* tila awlpui awllung pali oen atawi la n'thui thai. Mami lawng lahmacuek lungna te n'dangkoop ham alawngim roeek oen soeprep dawngah Bawipa Jesu te lahmacuek huen peek ham ni. Tecoeng ah Bawipa te hingna la n'awmngaih u thai tih, te hingna te kawlkah ah hingna kah angna la vacoeng tih (Jhn,8:12), mami kah hinroeek hingna oen aka cuutna dawngah haivang tung la n'angrawng theng u poen ai (Awl,2:1-7).
- G. Thlaangthethli kah aka the tuatang tah hethli lawng Bawipa te caakaawk ham oen awmngaih ham Bawipa teng alaw u nawh dawngah ni (cf, Isa,55:1-2, 6-7; 57:20-21). Hethli lawng thaihu zahawh thlang asai u de catah hethli lawng Bawipa teng law tih thlothlanna, Bawipa te

khawkaanna, Bawipa dangna, Bawipa te tengna oen awmgaihna awm u nawh. Pathen mikhuh ah henalak aka the ngai thaihu tloe awm tlaih nawh (Jer,2:13).

**II. Tihin oengca tah Eden duum pungcan aziit la awm – Pathen tah hingna thing la a muithla ah awm tih, setan tah the theen mingna thing la a thisa dawngah awm tih ahih kah mingna tah te pahih laklaw ah awm. Mami tah muithla ah nawhatah thisa dawng ah n’awm u tih, mami n’awm ham a huen apathumna huen awm nawh, tedawng ah mami kah mingna te muithla sawah n’khueh ham ni – Rom,8:6.**

- A. Thlaanghing kah pum tah acuek veng kalawng ciimcaih de catah atlaakna kalawng patoeng setan he amah oen amah te thlaanghing khuiah asang thil poen dawngah thlaanghing kah pum tah thisa la va cooeng – Gen,3:6; Rom,7:18a.
1. Mami kah pum he “thawlh kah pum” (6:6) oen “he aka duek thai pum” (7:24) la awm. Thlawlh kah pum lawng Pathen te thunkha thawlh saina dawngah hinghang tangkiik tih atha raa soeh la awm. Tede he akaduek thai pum lawng Pathen te ngaih sak ham bisaina dawngah athaa zawl tih saithaina awm nawh (athaana,18).
  2. Mami n’hingkhui puer ah, mami kah tlangna khawhin toe thawlh oen duekna kah pum tah mami oen haih awmpoe ai – cf,8:23.
  3. Thingan tah thawlh, duekna oen setan kah “tuun im” oen vawngkulh la awm. Thingan he ngaiuepna aka awm nawh tuetang la awm tih meveng akhaw aroengna awm manawh – 7:17-18, 21; cf, Jhn,17:15.
- B. Bawipa kamthlahna ham atah, Pathen lawng acuihna oen uktem boelraina dawngah mami kah muithla teng la mel sak u koep ham mami kah thawlh oen betooet tih aka the thisa te ahawpai na, tedeng ni mami ah Pathen kah roengna rangoen Bawipa kah sakna ham Muithla te n’dang u thai tare la awm ai – Kol,2:19; Zak,4:6.
1. Awlceknaben oen thui sih ti atah, setan oen mami kah thisa he thinglamtah ah acoeng toe awlcek la awm poen (Rom,8:3; Jhn,3:14; Heb,2:14; 2Kor,5:21), tede catah Pathen lawng mami te thisa dawngah ueppang ouh la mami muithla ah aka awm Khrih teng la melna u hamla tanawtna oen bawmcemna ham thisa te mami oen haih a awm sak (Fil,3:3).
  2. Thawlh oen betooet tih bueh aka the thisa rangoen bawmcemna awm ouh la, mami Bawipa te dang ham nawhatah Bawipa te mami khuiah law sak hamla kaw huemna awm ma nawh – Rom,7:24-25; 8:2, 6, 13.
  3. Mami kah kawltung he ciimna nawhatah muithlaben nawhatah taana la awm thai mai, tede Pathen kawltung tah mami te bawilenna oen betooet sak ham mami khuiah Bawipa amah te bisai sak ham ni. Alak vai ah mami lawng araina tuetang ah n’awm u vang mami tah Bawipa tengah awng pena awm tare tih Bawipa tengah mel ham kawhuem u tare tih mami khuiah Bawipa amah te bisai sak ham huen n’peek u – Athaana,28-29; Efe,5:27.
  4. Mami lawng Bawipa te n’tlap u mai kawi nih thawlh oen aka be thisa vawngkulh pateng khaw Bawipa te dangna ham ah mami ham bawmcemna la awm ai. Mami lawng koe koe n’sung u dawngah, muithla teng mel koep ham n’kaw huem u tih, he lawngim oen Muithla te ameeek n’dangna u tare la awm – cf,Exo,23:23, 29-30; Awlck,2:21-3:4.
  5. Mami kah rainathli, sungnathli, sungvknathli oen kawboetnathli lawng thisa dawngah ngaiuepna awm tlaih nawh tite zaakming ham n’tanawtna la awm. Thisa he mami kah muithla ah aka awm Khrih tengah mel sak ham atanawt tih, muithla khuiah mami te tanawt ham, muithla khuiah kuun sak ham kawhuem sak ham oen muithla ah awmpoe ham ngaihuem sak ham la ni atheen – Matt,26:41; Efe,6:17-18.
  6. Bawipa lawng mami dawngah taana awm oen awm nawh te tu la sak nawh. Bawipa lawng pakhat bueng thaihu – mami kah mingna te muithla sawah khuehna rangoen Muithla la aka awm Khrih te mami ameeek n’dangna – bueng teni akhui tuuk – Fil,3:8; 2Kor,3:17-18; Rom,8:6.

**III. Rom 5 ah mami he Adam ah n'awm u tih, Rom 6 ah Khrih dawngah n'awm u coengah, Rom 7 ah thisa dawngah oen Rom 8 ah muithla dawngah n'awm u. Aboel 5 kah Adam te Aboel 7 kah thisa dawngah n'huhtawng tih, Aboel 6 kah Khrih te Aboel 8 kah muithla dawngah n'huhtawng la awm.**

- A. Khrih dawng aka awm oengcathli mami dawngah Khrih kah aduekna kalawng patoeng Adam teng kalawng khawseh, Bawipa kah thawhkoepna kalawng patoeng Khrih khiah khawseh aka soengna oen apaihuenben pawng la n'awm u poen – 6:3-8.
1. Adam dawngah mami tah thawlh te rou la n'dang u tih, telawng mami te thawlhcathli la n'tuhtawm sak (5:12a, 19a). Mami lawng duekna rou n'pang u vengah khatben ah te duekna tah mami te tha zawl sak tih Pathen kawngaihthli te n'sai sak thai nawh tih, tloe khatben ah mami sawah uktem la awm (athaana, 12b, 14a, 17a). Mami tah duekna hil toe aana phung hui ah awlcekna te rou la n'pang u (athaana, 16a).
  2. Khrih dawngah mami he hingna benla aka khuen lungvatna huih doengna, hingna oen doengna benla aka pha sak kutdou laksawng te n'dang u poen, te hingna dawngah mami tah lungvatna oen haih soeprep sawah n'uktem u – athaana, 17b, 18b, 21.
- B. Khrih dawng aka awm oengca mami tengah Khrih oen haih thinglamtah adeukna kalawng patoeng (6:6; Kal,2:20) thisa (atak khuennaben oen huhtawngnaben Adam) kalawng hingna kah Muithla phung (Rom,8:2, 16a; 1Kor,6:17) la aka awm Khrih oen haih hingnaben thoekna kalawng patoeng Muithla (ataksainaben oen huhtawngnaben Khrih) khih ataknaben oen huhtawngnaben ahoilena la awm poen.
- C. Khrih amah he Pathen kah hingna, dungzaan hingna (Jhn,14:16a; 11:25; 1Jhn,1:2) la awm. Bawipa he mami hingna dang bueng khoeuk mueh la, hingna oen soepsak ham law la awm (Jhn,10:10b). Bawipa tah hingna kah Muithla phung la aka awm (Rom,8:2) hing pekung Muithla la coeng ham (1Kor,15:45) a hingna-loeih sak la aka awm duekna rangoen duek tih, a hingna-rekraa la aka awm thawhkoepna khih kuun tih (12:24), mami kah muithla, mami kah mingna oen mami kah akaduek thai pum te hingna apeek, teahni mami lawng thlaangtloethli tengah hingna te bibi ham hingna rangoen aka doelh kungthli la n'awm u thai ai (athaana, 10, 6, 11; 2Kor,5:4; 1Jhn,5:16a, Jhn,6:6; Cel,5:20).

**IV. Mami hamla hingna kah lawngpui sawah n'awmpoe ham atah, mami lawng Khrih te hingna thing la n'awmngaihna kah lawngim te n'khuen ham ni – kakhui ah thui la aka awm miamanau Lee teng kalawng awlpui pawlnengna te bueh lah.**

**Khrih te hingna thing la awmngaihna kah lawngim te khuenna – Miamanau Lee teng kalawng awlpui pawlnengna**

“1943 kum May thla ah, kai tah akanauh tangkiik (TB) ka tlou ... . Kai ka tlawhna kumhieh thlai khih hingna thing te ka huh la awm. Te kumhieh khih ka huhna tah Bawipa dangkoepna oen Bawipa bibina dawngah mami tah hingna avoetthoekna kawng te huh la awm. Metiti khawseh araina rooek tah hingna aboetpatna kah thaitak la awm. Hetih ka huh vengah, kai tah ka zut u tangkiik. Kai lawng zahawh la thawlh ka zut tih Bawipa haai ah apum boeih la zutna ka khueh tih Bawipa haai ah hoetlangna zawhawh la ka na khueh ... . Hingna thing aka tuhkai rekraakna tah thlaangciim zahawh te athlawn tih Nakin khaw aka awm miamanau zahawh te aloeih sak la awm. Shenghai khaw kah thlangboel ah kumli khih tumpalauh la a awm dawngah, thlaangciimthli tah kum broe nawh khih akaw boet u tih n'tu khaw sai ngaihna awm u tlaih nawh. He rekraana tah tethli kah muithlathli te aloeih sak tih tethli kah thinkawthli te angna apeek ... . Bawipa teng uemcil ka thui, hingna thing oen aka tuhkai rekraana thli tah Shenghai khaw aka awm thlangboel kah hinghang sakkoep ham

azung sakna la awm” - *The History and Revelation of the Lord’s Recovery, vol. 1, pp. 130, 133, 135, 138.*

“Mami Pathen te awmngaihna alawngim te khuen n’ngaih u atah, mami kah poekngaihna te n’thawheng ham ni ... . Mami Pathen te awmngaihna kah asoengna khuiah kuun n’ngaih atah, tungep la aka awm huhdoenna te n’huh u ham ni... . Kai ka kum sawmli apha thlan hil toe Bawipa lawng amah awmngaihna lawngim te kai hamla van awng thlan huen. Kum kul adiu hil kai kah atue oen thoemthainathli boeih te ka hoei sak pawk dawngah ka kaw boet. Ka thangthuinathli khaw apfu awm nawh. Cabuciim tee na oen tloe muithlaben cabuthli teena hamla ka hawna atue khawseh apfu awm nawh. Te vengah kaimi kah bisaina lawngim tah soeng nawh tih, kaimi kah muithlaben khawkaanna lawngim khawseh soeng nawh tite ka zaakmingciim la awm. Kai tah asoeng nawh lawngim te khuen na rangoen aka bouthlang sungna te ka khanca dawngah, thlaangtloethli te akavai aka soeng nawhna te sai sak koep ka ngaih nawh. Thlaangtloethli lawng Pathen awmngaihna kah lawngim te akhuen thaina u ham ka ngaiuep. Kai lawng thlaangciimthli te asoeng nawh lawngim te akhuen u tlaih nawh hamla reenna ka bih. Mami kah thlemvai veng khawkaan nakah lawngim te poekkhuep ham angoe. Mami lawng poekpatuem nate anep la n’thawheng ham ni. Mami dawngah tungep la aka awm huhdoenna awm ham angoe” – *The Vision of the Tree of Life and the Tree of the Knowledge of Good and Evil, p. 51.*

Message Two

**Mami Doengna Benla M'phasakna kah Athaitak -  
Mami kah Hingna la Khrih dawng Aka Awm Pathen te Soepbir la Awmngaihna**

Teeham Caciim. Rom 5:1-11

**I. Doengna benla m'pha sakna tah Bawipa kah doengna angla mami te akadou Pathen kah bibina la awm. Oengcathli kah doengna tah amami kah koela ka awm apaihuen nawh tih, ahimi oen akathoek u thlanghing tah akahing Khrih amah la awm.**

- A. Mami lawng Khrih n'tangna u vengah Pathen kah thawlh khawdawp ngaina te n'dang utih, (Cel 10:43), Pathen lawng mami he doengna dawngah m'pha sak u thai (Rom 3:24,26). Tetah Khrih te mami kah doengna la a awm sakna rangoen khaw, mami kah doengna khaw awk dung la ka awm Khrih lawng mami he buen,naak sakna la khaw awm (Isai 61:10. Zerimiah 23:6. Zekr 3:4).
- B. Hingna tah Pathen kah thlawna kawltung la awm. Te dawngah doengna dawngah phana tah "hingna" kah thaihu la awm. Doengna dawngah m'phana rangoen mami tah Pathen kah doengna toela m'pha utih, avaa hih dawngah tahe Bawipa tah amah kah hingna te mami khuiah avan sang thai- Rom 5:128.

**II. Mami doengna benla m'phana kah aphu tah mami kah hingna la ka awm Khrih dawngah Pathen te asoepbir la awmngaihna la awm – athan 1:11.**

- A. Mami doengna benla m'phasakna kah aphu tah- mami awmngaihna hamla kawpoek rai thaihu (paruk) lungna, (athan 5), arena, (athan 2), ngaimawngna, (athan 1) ngai uepna, (athan 2), hingna, (athan 10) oen bawilenna, (athan 2) tethli he vatueng. Hekah athanthli tah mami awmngaihna hamla thumkhat Pathen- Ciim Muithla (athan 5), Khrih (athan 6) oen Pathen (athan 11) tethli khaw atuengsak.
- B. Khrih kah tlangna la ka awm aduekna rangoen Pathen lawng mami thlangthawlhthli he doengna dawngah m'pha sak tih, Bawipa kah raalthli la ka awm mami he amah teng la koep n'roepsak (athan 1, 10-11). Te bueng ouhla "Mami tengah peek la ka awm Ciim Muithla rangoen Pathen kah lungna te mami kah thinkaw khuiah vansang poen" (athan 5).
  - 1. Mami he patangna, tha zawlna, oen kawthe na a awm mai cakhaw, Pathen kah lungna tah mami khuiah awm tite mami lawng ng'eek thainawh. Khrih amah la ka awm hingna lawngpui dawngah awm thaina hamla (John 14:6), Mami lawng Pathen amah la ka awm (1Jhn 4:8, 16) Pathen kah lungna dawngah mah oen mah he tungep hamla angoe (Juda 20-21).
  - 2. Mami Pathen lawng m'peek mami kah lungna muithla te bawng hawrh hamla angoe, Teah ni mami lawng tihin thlangboel kah atlaakna te taana hamla hai la ka rawng lungna muithla te ng'khueh u thai ai. Mami kah muithla arawng hamla tah- mami muithla dawngah ka awm Pathen oen tuhkai poepa na hamla mami kah muithla thuekdangna te sakna hamla ni – 2Tim 1:6-7, 4:22).
- C. "Hekah areenna n'dangna tah oengna ng' khueh u dawngah mami tah m'pai uthai" (Rom 5:2). Mami tah oengna rangoen doengna dawngah m'pha utih, areenna paihuen dawngah m'pai u dawngah "mami tah Bawipa Jesu Khrih rangoen Pathen tengah ngaimawngna te n'dang u" (athan 1).
  - 1. Pathen "Tengah" ngaimawngna awm tina tah- Oengna rangoen doengna dawngah m'pha utih, Pathen khuiah mami n'cehna te aboet thlan dawngah Pathen huiah cehna lawngpui dawngah mami ng'awm u huen tina ni. Luk 7 kah angla thlawng la ng'awmna he thawlnathli kalawng n'loeih utih, "zahawh lungna' kakhueh, thlangthawlh nu te (athan 47-48) Bawipa Jesu lawng "Ngaimawngna khuiah kun" hamla van thui (athan 50).

2. Mami lawng doengna thawkaa te m'poeng vengah mami lawng ngaimawngna lawngpui dawngah ceh hamla angoe (Rom 3:17). Mami lawng mami kah muithla te khui tuukna, mami muithla te hawna, mami kah muithla te khui tuukna, Pathen Muithla oen haih mingthimna dawngah mami kah muithla oen Pathen te tuh kaina, mami kah muithla dawngah khaw kaanna la awm tih, hingna rangoen mingna te muithla dawngah ng'khue vengah – mami kah mingna te ngaimawngna la awm tih, mami he duemna, loeihna, angna oen hoei Khangna la ka awm khuiben ming thimna te m'peek (8:6).

**III. Areenna paihuen dawngah mami lawng mami kah awmngaihna oen mami kah kawhoena hamla mami kah oekna oen kawhoena la Pathen te n'dang u. Pathen dawngah oekna tina tah “Mami kah rainathli tim ah oekna la khaw awm. Metitiah raina lawng uehna te a awmsak. Uehna lawng sausi la a tuengna te a awm sak. Sausi la atuengna lawng, ngaiuepna te a awmsak” 5:3-4, 11.**

- A. Raina tah atang tang ah areenna kah thlanghing coengna oen areenna kah didip bueh thawngna la valaw. Raina te hooetna tah mami awmngaihna hamla mami kah taham la ka awm Pathen kah reenna te hooetna la awm. Areenna tah awlpui la raina muisam dawngah mami tengla valaw. Te rangoen Pathen lawng soeprep thaihu (thlanghing boeih, a kawnglamthli, bibithli, paihuen boih oen tengvaithli) boeih te mami lawng Khrih a meek la dang ham, mami kah coengna khuiah Bawipa te tare n'sang tih, thenna hamla thik at la m'bisak, Teah ni mami kah coengna boeih te muisam thawleng tih, Khrih kah mui lawhna dawngah amah oen n'lou utih, akasoep caa paihuen dawngah ng'khuen thai la awm ai – 2Kor 12:7-9. Rom 8:28-29.
- B. Raina lawng uehna te athoengsak, Uehna lawng sausi la tuengna te a awmsak, tetah noekdak la ka awm muisam oen cak sakna la aphu awm (Fil 2:19-22). Paul lawng amah kah bibi huithli te “awlthang then kakuem thlangthli, Pathen aka douthli tila athui (1The 2:4). Tehli kah awlthang then phawngna tah thlaangthli kah kaw ngaih la, amah hamla nawh tih, Pathen ngaikhuekna ham, Pathen hamla ni tite Pathen lawng tethli kah thinkaw lungbui te hinroek anoek dak poepa.
  1. 1Pit 1:7 dawngah mami kah oengna te noek dakna tah “Aka pawci thai (Sui) te (Hai) dawngah noek dakna lak ah aphu awmngai” tila athui. Tekah (Hai) tetah noek daknathli oen rainathli la awm. Ahuem la ka awm (Sui) te ciim sak hamla (Hai) dawngah raina m'peek vengah, thlang boeih lawng angaih ham koei kathen koek sui te n'dang u- (Malakhi 3:3).
  2. Bawipa lawng mami he Hai oen noek dakna rangoen Bawipa te phu katlou sui la ameek dang hamla angaih, teah ni mami he Bawipa kah takpum sakna hamla Pathen kah coengna kathum, Pathen kah hingna la ka awm, Khrih amah la ka awm aka soeng Sui dawngah n'thum thai u ai. Te dawngah mami tah Sui la ka awm Jerusalem sakna hamla aka ciim Sui haivang tung te athoeng thai ai (Awlp 3:18. 1:20, 21:18, 23. 2Pit 1:4).
  3. Bawipa kalungna thlangciimthli khatsut lawng tethli dawngah hingna oen angna a awm dawngah Bawipa bibi hamla kakhoek poen tila apoek u, tede tethli te ahuem la a awm huen dawngah akathen atuengna ham, raina oen noek dakna te tawng thlan huen. Hekah akathen koek lawng thlang tengah awlthang then bi abi vengah awmngaihna oen didipna te ahuhawng sak.
  4. Mami boeih lawng “Bawipa tuengsakna te kai m'pe lah” tila thangthui hamla angoe. Te vengah Bawipa te mami hamla sausi la a tuengna paihuen te van thoengsak ai. Mami he Khrih kah tuihzoeih la ng'awm u ngoende, sauai tuengna te ng'khueh unawh. Te lawng Pathen te akanghalh tih, mami he m'pawci sak coengah thlangciimthli oen Pathen kah im khaw kanghalhna apeek. Mami kah angna oen kutdou laksawng lawng thlangciimthli te abawm acem ngoende, mmi dawngah sausi tuengna te a awmnawh dawngah tethli te atlawhsak – Mt 24:45-51.

- C. Sausi la tuengna lawng mami ngaiuepna awm sak tih, (Rom 5:4), Mami lawng Pathen kah bawilenna te ng'ngaiuep u dawngah ka oook u (athan 2)
1. Mami tah ngaiuepna dawngah m'pai u tih, ngaimawngna dawngah khaw ng'kan u ngoende, mami tah Pathen amah a tuengna la ka awm a bawilenna dawngah asoep la ng'awm u thlan huen. Tahe kawkalh kah aka zangca raina lak ah dungzan akarih bawilenna te mami hamla a awmsak 2Kor 4:17.
  2. Soeprep dawngah areen lungvatna Pathen lawng mami he Khrih Jesu dawngah Bawipa kah dungzan bawilenna khuiah khuela ng'awm u. He dawngah mami lawng mami kah bawilen ngaiuepna la mami muithla dawngah ka awm Khrih te ng'awmngaih pui u – 1Pit 5:10, 1Thes 2:12, Kol 1:27, Fil 3:21.
  3. Bawipa lawng acaathli la ka awm mami he hinrook ciimsakna rangoen abawilenna khuiah m'maawt tih (Heb 2:10-11) Mami tah Jesu mikhai dawngah ka awm Pathen kah bawilenna te dan ham, mami kah thinkaw te Bawipa tengah melsakna rangoen bawilenna kah (Degree)pakhat kalawng atloe pakhat dawngah hinrook muisam thawleng la ng'awm u (2Kor 3:16-18. 4:6b)
- D. Mami lawng mami kah patang rainathli dawng Khrih te ng'awmngaih pui u dawngah Pathen kah (Dynamite) thlawna kah kawltung soepsak hamla Bawipa kah hingna dawngah thlawn la ng'awm u, Tekah kawltung tetah khawhuen thlangboel dawngah katuengKhrih kah akahing takpum thoen oen sakna la awm. Tetah mami lawng Bawipa kah betoet reenna te awmngaihna huen, ngaimawngna Pathen lawng amah kah bawilen tuengna ham oen Bawipa kah taana te nueh hamla seitan te mami kah khawtang ah caawtna huen la awm – Rom 5:10. 12:5. 16:1, 4-5, 16, 20.

## Message Three

### **Khrih kah Aduekna oen Thawhkoepna kah muisam**

Caciim tee ham. Rom.6:3-5.5:17. Gal.3:27

- I. "Jesu Khrih khuiah baptisma aka huthli boeih tah a duekna khuiah baptisma ng'huh u poen-Rom.6:3.**
  - A. Baptisma tah pungcan pakhat nawh atah sing azoe pakhat moenih. Tetah Khrih oen mami Khat repla awmna te huhsakna la awm - athaan.3.
  - B. Baptisma rangoen mami tah Khrih khuiah m'buek u tih, mami kah a huenmawl la n'khuen u. Te rangoen mami he a duekna oen thawhkoepna dawngah pumkhatla n'thooek u thai poen ai.
  - C. Mami he pakhatna thlaang Adam kah a kungkur dawngah cuunla ng'awm u de (1 kor.15:45,47), baptisma rangoen apabe thlaang(1Kor.15"47) Khrih kah a kungkur khuila m'pawng u (1:30.Gal.3:27).
  - D. Khrih khuila baptisma ng'huh vengah, a duekna khuila baptisma ng'huh u-Rom.6:3.
  - E. A duekna lawngah mami he dilai oen setan kah zin tharana kalawng ng'hooeptlang tih pumsa hingna, ruemraw coengna, kamah, thisa oen kawnghu pumboeih te a boet sak.
- II. "Te dawngah a duekna khuiah baptismana rangoen, te Bawipa oen vui haihla ng'awm u. Metitiah Khrih te Pa bawilenna lawng a thawh sak koep angla, mami khaw hingna a thai dawng khaw n'sak u ham ni"-athan.4.**
  - A. Mami kah thlanghing ruem he Khrih oen haih a duek coengah(athan.6) a duekna dawng baptismana rangoen vui haihla ng'awm u.
  - B. Pumsaben atah thlaang pakhat he a duek lamha coengah vuila awm. Tede Paul kash awl lawngah muithlaben huenmawl dawngah mami he lamha la m'vui u coengah n'duek hamla awm tila athui.
  - C. Mami he dairekla duekna moenih. Baptisma rangoen Khrih kah a duekna khuila n'kuunna teni.
  - D. Khrih oen a duekna he pakhat buengla awm.
  - E. Khrih muehla a duekna khuiah baptisma ng'hu thai manawh, metitiah aphu ka awm a duek coengna he aka thoukoep tih soeprep boeih aka thuum amah dawng buengah ng'huh dawngah ni - ref, Jhn.5:29.11:24-25.Cel.1:22.
  - F. Rom.6:4 kah Pa bawilenna tah Pathen coengna kah a tuengna teni.
  - G. Baptisma huh coengatah mami he thawhkoepna dawng thlangthai la ng'awm u - Fil.3:10.
  - H. Thawhkoepna tah hailamben paihuen bueng ouhla, tahe tue kah lawngzaw la khaw awm.
  - I. A thai hingna dawng khawsakna tah tihin thawhkoepna huenmawl dawng hingna oen hingna dawng uktemna la awm - Rom.6:4.5:17.
  - J. Heang hingna lawng mami he Khrih muisam dawng soepbirla mui thawlengna oen pheh lawhna a awm thlan toe mami dawng aka awm Adam coengnathli boeih te a hoei a tlaang pe - 12:2.8:29.
- III. "Mami tah a duekna muisam te n'khuen tih, amah oen haih n'rooeng u atah, thawhkoepna dawngah amah angla ng'awm uvan ai"-6:5.**
  - A. Bawipa oen haih n'rooeng utih ati he aka rooeng sak thai hingna ben thooekna te a thui. Te rangoen thlaang lawng thlangtloe pakhat kah hingna oen noekna muimethli dawngah thuum thai-athan.5a.
  - B. Khrih oen haih hingna ben thooekna u dawngah Khrih lawng a poengphaithli boeih he mami kah cilrui la va awm.

- C. A duekna oen thawhkoepna he taheah mami kah thaihu la va awm. Metitiah mami tah amah dawngah ng'awm tih, amah tengah hingna oen n'tuhtawm u dawngah ni. Hetah bekcawng hingna la awm-11:24.
- D. He bekcawngna lawng mami dawngkah athee coengna boeih te a tlumhawn sak tih, Pathen kah peek saithainathli te koep a hing sak, a pawmsang tih a betoet sak coengah mui thawleng pe hamla n'coengna pumboeih dawngah sak a kuun sakna la awm.
- E. Khrih kah a duekna muisam tah Rom.6:4 dawng a thui baptisma la awm tih, a thawhkoepna muisam tah athaan.4 kah a thai hingna te ni.
- F. *Thawhkoepna muisam dawngah*(athan.5) ti he hailam kah thawhkoepna ouhla, tahe kah rooengna lawngzaw te a thui.
- G. Baptisma ng'huh vengah a duekna muisam dawngah Khrih oen haih n'rooeng u tih, taheah a duekna rangoen mami he a thawhkoepna khuila n'rooeng u.
- H. Khrih a duekna coengna te amah dawng buengah ng'huh thai angla, thawhkoep coengna khaw Khrih dawng buengah ni ng'huh thai. Amah he thawhkoepna la awm Jhn.11:25.
- I. A soeng baptisma te n'huhtawng coengah, a thawhkoepna muisam dawngah Khrih oen haih, Khrih dawngah poe n'rooeng u. Hetah a thai hingna dawng khawsakna la awm-Rom.6:4.

#### **IV. Khrih khuiah baptisma aka huthli boeih tah ..."Gal.3:27.**

- A. Baptisma he muisam pali awm- Pa Capa oen Muithla kah a ming khuiah baptisma na(Matt.28:19), Khrih khuiah bapatisma na(Gal.3:27), Khrih kah a duekna khuiah baptisma na(Rom.6:3) oen Khrih a takpum khuiah baptisma na (1Kor.12:13)tila awm.
- B. Baptisma lawngah thawlh zut thlangthli te hingruem a boet pe sak tih Khrih kah a thai hingna oen a tawng sakna rangoen hingruem khui kalawng thoieng tih thlangthai pakhat paihuen te a khuen pe-Rom.8:2,10.
- C. Baptisma dawngah muime pahih awm- huh thai muime oen huhthai nawh muime tila awm.
  - 1. Huhthai muime tah tui oen baptismana la awm tih, huhthai nawh muime tah Ciim Muithla rangoen baptisma la awm-Cel.2:38,41. 10:44-48.
  - 2. Muithla rangoen huh thainawh baptisma thuum muehla, tui oen huhthai la ka awm baptisma tah a hawnghee ni, tui oen huhthai baptisma thuum muehla, Muithla oen bueng huhthai nawh baptisma he khaw soep nawh tih atakla awm thai manawh, pahih bawkla a ngoe.
- D. Thumkhat Pathen khuiah baptisma huhna tah Khrih khuiah baptisma huhna la awm-Gal.3:27.
  - 1. Mami tah Khrih dawngah ng'awm u dawngah Pathen kah cathli la ng'awm utih, Khrih khuiah baptisma ng'huh u dawngah Khrih dawngah ng'awm u - Rom.8:10,14. Gal.3:26.4:7.
  - 2. Khrih khuila baptisma huhna tah Khrih dawngah awmna lawngim la awm-3:27.
  - 3. Mami tah Khrih khuiah baptisma ng'huh u dawngah, taheah amah oen haih hingna ben thooekna te ng'awmngaih u, tetah mami kah coengna pumboeih te mui thawleng sak thai-Rom.12:2.
  - 4. Gal. a boel 3 kah a boetna dawngah Paul lawng Khrih khuiah baptisma huhna, Khrih buennaakna oen tuhkaaina awl oen a boet sakna he thuingaihna bouthlang awm-athan.27.
  - 5. Paul lawng baptisma na ben awl oen a boet sakna tah he a boel dawngah cumrum la a thui thaihu te Khrih khuiah baptisma huhna oen Khrih buennaak coeng dengah ni huhtawng thai ai tite a tueng sak-athan.27.
  - 6. Khrih khuiah baptisma aka huthli boeih tah Khrih te a buen naak u- athaan.27.
  - 7. Mami lawng Khrih khuiah baptisma ng'huh utih, taheah mami aka mueddah Khrih ng'khueh u.
  - 8. Khatben ah baptisma huhna dawngah mami he Khrih khuiah m'buek u tih, atloe khatben ah mami lawng Khrih te m'buen naak u.
  - 9. Mami lawng Khrih khuiah baptisma n'huh utih mami kah buen naak la, khukdahna la amah te m'buen u tite thlaang zahawh lawng khangmai la sausi a deng thai ai-athan.27.

## Message Four

### Va Thai

Teeham Caciim – Rom.7:2-6

#### I. Khrih tah mami kah vathai la awm – Rom.7:2-6.

- A. Cuun koep la aka awm thlaangthli boeih he oengca tawngpa oen hutathli boeih lawng Khrih te a mami kah vala a dang u tih, Bawipa zuu kah a vangthal pakhat la awm u.
- B. Aka soeng Khrih thlaangthli boeih lawng Khrih te amah kah vala a dang u poen de catah, thlaang broe nawh lawngah Bawipa he amah kah vala awm tite a mingna u nawh he a reen hamla broe nawh awm.

#### II. Mami kah thlaang ruem, varuem hetah thinglam sawah ngawnla awm poen.

- A. Athaan. 2 kalawng 4a dawngah va pahih kaawng te a tuengsak.
  - 1. Lamha cuek va, varuem te 6:6 dawngah a tuengsak tih Khrih oen thinglam sawah aka duek poen thlaangruem la awm.
  - 2. 7:2-4 dawngah a tuengsak la ka awm pabe va, vathai hetah Khrih la awm.
- B. Mami kah varuem la ka awm thlaangruem hetah Khrih oen thinglam sawah a duekla a awm poen dawngah, mami tah a hih kah awlpeek dawng kalawng n'loeih u tih vathai la ka awm, aka hing poepa bawi Khrih oenah n'tuh kaai u la awm poen.
- C. Oengcathli mami dawngah he paihuen pahih awm.
  - 1. Pakhat na tah Pathen dawngah aka hangdang u zuu tikah a cuek coengna te a voeih tih, Pathen sawah hangdangna a awm oulhla va oen lu paihuen te a lawh tih aka tlaa thlaangruem la ka awm mami kah paihuen ruemla awm.
  - 2. Pahih natah Pathen dawngah hangdang u tih Bawipa te lu la aka khuen Pathen kah aka soeng zuula ka awm mami kah a cuek coengna te dang koepna oen cuun koep la ka awm thlaangthai tikah paihuen la awm.
  - 3. Mami dawngah varuem kah paihuen he awm tlaih nawh. Tu dawngah ti atah mami he thinglam dawngah n'duek u poen dawngah ni.
  - 4. Tahe mami tah aka soeng zuu tina tah aka thai apaihuen dawngah awm, Khrih te mami kah vala n'khuen hamla awm tih, thlaangruem ningla phaath n'hing ham awm nawh. Athuingaihna tah thlaangruem te mami kah vala n'khuen hamla awm tlaih nawh.
- D. Cangsakna awl te varuem, thlaangruem teng peek hamla amengtengna dawngah, thlaangruem kah duekna tah mami te Khrih kah pum kalawng patoeng anaa awl teng adueksak.

#### III. Mami tah duekna kalawng athoeukoep thlaang vatloe Khrih oen kuttuuk ham, mami kah thlaanghing ruem tah Khrih kah pum kalawng patoeng anaa awl la dueksakna adang poen-Rom.7:4a.

- A. He n'tuhkaina tah zula aka awm mami kah aka thai apaihuen dawngah, mami tah Bawipa kah thawhkoepna dawngah Khrih oen haih athlaanghing, aming, hingna oen awmna dawngah akahing thooekna te athuinuet nala awm- 2Kor.11:2.
- B. Khrih tah mami kah vala a awm dawngah, mami tah Bawipa te mami kah lu la n'khuen hamla awm-Efe.5:23.
  - 1. Khrih te mami kah lula n'khuen na tina tah mami kah coengna, awmna, bibina soeprep boeih te boetsak tih, soeprep boeih hamla Bawipa dawngah oeng hamla awm.
  - 2. Khrih te mami kah vala n'khuen khawseh mami tah Khrih khula oengna te athuingaihna.
  - 3. Mami tah mah rang oen n'hing ham tlaih nawh tih, Khrih rang oen n'hing hamla awm. Khrih te mami hamla hingsak ham huen peek hamla awm.
  - 4. Mami tah va tlaih nawh ni. Thlaang ruem la mami tah thinglam dawngah dueksak nala n'awm poen, tahe Khrih tah mami kah va la awm.

- C. Khrih tah mami kah lu la awm bueng muehla- Bawipa tah mami kah athlaanghing oen mami kah hing nala khawseh awm- Kol.3:4.
- D. Thlaang pakhat lawngah oeng tih thumkhat pathen khuiah Baptisma dang vengah, ahiah tah atloe thlaanghing pakhat oen tuhkai na awm. Athuingaihna tah ahiah lawngah thlaangtloe la aka awm Khrih te n'vana poen dawngah ni.

**IV. Zu pakhat la mami tah Pathen hamla athaih thaih ham awm- Rom.7:4b.**

- A. Mami tah thawhkoepna dawngah n'awm tih, Pathen hamla n'hing vengah, mami lawng Bawipa hamla athaih n'thaih u.
- B. Cuunthai na aka dang athlaanghing, zu la mami tah Pathen hamla athaih n'thaih u. Athuingaih na tah mami lawng n'sai soeprep boeih tah tahe ah Pathen oen tuhkai la awm.
- C. He huenah duena oen Pathen laklawah aka tueng tih alangna awm.
- D. *Pathen hamla athaih thaihna* tina kah awl tah Pathen te athaih la thoengsakna te athui.
  - 1. Tedawngah mami kah coengna oen n'sai soeprep boeih tah aka hing Pathen la awm ai.
  - 2. Mami tah Pathen kah becoeih alawng nala Pathen te n'thoeng sak hamla awm. He alawngim rang oen mami tah akahing Pathen te mami kah athaih la n'dang tih, mami lawng Pathen hamla athaih n'thaih u ai.

**V. Mami tah cangsakna awl dawng kalawng n'loeih tih, mami aka pinzeen anaa awl tah duek poen. Zu oen thlaangthai la mami tah cangsakna huihah ng'awm u tlaih nawh- athaan. 6.**

- A. Cangsakna awl tah Pathen te atuengsak tih, Bawipa te athuingaihna tuengsak nala awm- Levi.19:2.
- B. Tedawngah tetah aka tlaa thlaang te aka zahawthlang abihna oen atuengsak hamla awl atloek, tetih la asaina rang oen tetah thawlhthli te pekthle mingsak tih thlaang lawng thawlh te mingna ben la amawt- Rom.3:21, 4:15, 5:20.
- C. He alawngim rang oen thlaang tah caksakna awl rang oen tuengsakna oen adang nala awm- 3:19.

**VI. Zu la mami tah baibul dawngah aka awm awlpawngna dawngah nawh tih, muithla kah athaila awm na dawngah Pathen te bi n'bi hamla awm-7:6**

- A. 6:4 dawngah mami kah hingna hamla hingna kah athaina awm tih, 7:6 dawngah mami kah bibina hamla muithla kah athaina awm ai.
  - 1. Hingna kah athaina tah Khirh kah thawhkoepna oen mami avaina awmna kalawng athoengna la awm tih, tetah mami kah hin roek hingna dawngah mami kah khawkaan na hamla awm.
  - 2. Muithla kah athaina tah mami caksakna awl kalawng n'loeih tih aka thawhkoep Khrih tengla tuhtawm na kalawng thoeng tih, tetah Pathen te mami lawngah bibi na hamla awm.
- B. Muithla kah athaina oen hingna kah athaina pahih bawh tah muithla oen atuhkaina awm.
  - 1. Hingna kah athaina tah hingna aka pe kung muithla la aka awm Bawi, Bawipa kah thawhkoepna dawngah aka awm Khrih amah oen tuhkai na awm. 1Kor.15:45b.
  - 2. *Muithla kah athaina* tina kah awllung aka awm muithla tah Bawipa tah muithla la aka awm tih mami kah cuunthaina aka dang thlaanghing muithla te athuinuet -2Tim.4:22.
    - a. Pathen mami kah muithla dawng a awm dawngah mami lawng athai muithla oen bibi thai nala awm.
    - b. Mami kah cuunthaina aka dang muithla oen aka tuhkai thaihu thli boeih tah athai la awm.
    - c. Mami kah cuun thaina aka dang muithla tah athai coengna kah akungamawng la awm, metitiah Bawipa, Pathen kah hingna oen CiiMuithla tah tehuen ah a awm dawngah ni.
    - d. Mami kah cuun thai na aka dang muithla dawngah aka awm thaihu thli boeih tah athai la awm. Mami kah cuun thai na aka dang muithla dawngah athai coengna lakah atloe tukhaw awm nawh.
    - e. Thlaang thai la mami he thlaang ruem kah cangsakna awl kalawng n'loeih tih, aka thawhkoep Khirh, vaathai tengla va n'sak u poen. Tetah mami Pathen hamla athaih thaih ai tina oen aka thai muithla dawngah Bawipa te bibi thai na ham la ni.

## Aka Awmpoe Khrih

Teeham. .Rom 8:9-11, 28-29

- I. Rom aboel 8 he cabuciim apumboeih kah laklung-kir oen vaankhawhii hui kah laklungkir la m'poek u thai. Tedawngah mami lawng Rom aboel 8 he n'huhtawng khanca u kawinih mami tah khawhii hui kah a lak-lungkir ah ng'awm u.
- II. Rom 8 he pawmna ben kah aboel nawh tih, huh-tawng khancana ben kah aboel la awm. Te lawng thumkhat Pathen kah pawmna ben kawng thui nawh tih, Khrih thlaang hingna kah huhtawngna dawng aka awm thumkhat Pathen kawng te thuiphawng nala awm.
- III. Rom 8 lawng hingna Muithla phung la patoeng toeng aka poeng thumkhat Pathen lawng oengca-thli tengah ahimi kah hingna hamla Pathen ben hingna te peekla a awmna te avan awng – athan 2, 6, 10-11, 26-29.
- IV. Rom 8 hetah thumkhat Pathen kah aboet koek soepbir nala thaihu soeprep aka thum, hing peek Muithla oen tuhkai u. Hekah Muithla lawng mami te hingna, moeiboe coengna oen atuengna dawng ah Khrih angla avanrep la n'awmsak ai. Hetah Rom aboel 8 la awm.
- V. “Tede catah, Pathen Muithla lawng nangmi khuiah a awm atah, nangmi tah thi-sa dawng na awm u nawh, muithla dawngah ni na awm u” – Rom 8:9a.
  - A. Hekah aboel lawng thumkhat Pathen – Pa (athan 15), Capa (athan 3, 29, 32) oen Ciimmuithla (athan 9, 11, 13-14, 16, 23, 26) lawngah amah oen amah te hing nala (athan 2, 6, 10, 11) pathum la a pek thlaangthli – muithla, lungbui oen pum – la aka awm mami te Bawipa kah cathli la n'awmsak tih (athan 14-15, 17, 19, 23, 29), Khrih Takpum tawmbenna hamla (12:4-5) metila arekraana tite avan awng la awm.
  - B. Mami lawng thumkhat Pathen kah Muithla te mami khuiah ahih kah a awmna im sakna n'awm-sak maikawinih mami kah huhtawngna dawngah mami tah muithla dawng n'awm u vetih, thisa dawng n'awm u tlaih manawh.
  - C. Mami tetila n'awm kawinih, Muithla la thumkhat Pathen lawng mami kah muithla kalawng (8:10) mami kah mingna oenah zuengtheng la ka awm mami kah lungbui khuila saak a kuun coengah (athan 6), hukhueng atah mami kah aka duekthai pum tekhawseh Bawipa lawng hingna apeek la awm ai (athan 11).
- VI. “Khrih kah Muithla aka dang nawhthli tetah, Khrih oen tuhkai u nawh” – athan 9b.
  - A. Hekah thaihu lawng, mami Khrih oen tuhkai la n'awmna te Muithla dawng ahni a awm tite avan tuengsak.
  - B. Khrih kah Muithla awm nawh kawinih nawhatah Khrih tah Muithla la coeng nawh kawinih, mami lawng Bawipa tengla thoekhaih-tuhtawm ham oen Bawipa dawng a koe la awm hamla alawngim n'khueh u manawh.
  - C. Tede catah Khrih tah te Muithla la awm tih (2Kor 3:17), Bawipa tah mami muithla dawngah a awm coengah (2Ti 4:22), mami oen khatbueng muithla la awm (1Kor 6:17).
  - D. Pathen Muithla oen Khrih kah Muithla tah Muithla pahih nawh tih pakhat bueng la awm.
  - E. Paul lawng hekah riepawmnathli te benbang la a hawna tih, Rom 8:2 dawng kah, aka awm (hung) hingna Muithla lawng thumkhat Pathen apum-boeih kah soeprep aka thum, hingpeek Muithla la awm tite avan thuinuet.
  - F. Pathen, te-Muithla oen Khrih apumboeih la a than 9 dawngah avan tuengsak.
  - G. Tetah mami dawngah pathum la nawh ni, thum-khat Pathen kah thumkhat Muithla pakhat bueng la awm (John 4:24. 2Kor 3:17. Rom 8:11).

**VII. “Khrih nangmi khuiah a awm atah pum lawng thawlh rangoen aduek maicakhaw, muithla tah dooengna rang oen hingna la awm” – athan 10.**

- A. “Khrih nangmi dawng awmna” hetah Rom cabu dawng aka awlpukoek la awm.
1. Aboel 3 dawng Khrih lawng thinglam dawng ah mami tlangna hamla thi alaawngsak.
  2. Aboel 4 dawng Khrih tah thawkoepna dawng ah awm.
  3. Aboel 6 dawng mami tah Khrih dawngah n’awm u.
  4. Aboel 8 dawng Khrih tah mami dawng aka awm te-Muithla la awm.
- B. Mami lawng Bawipa dawng oengna n’khueh u thlan vengah khuiben aka awm mami muithla tah duek tih, dauben kah pum lawngtah hing.
- C. Tahe mami dawngah Khrih a awm coeng atah, dauben kah mami pum lawng thawlh rangoen a duek maicakhaw khuiben kah mami muithla tah dooengna rangoen hingna la awm.
- D. Khrih mami khuiah hing nala a law na lawng mami pum kah aka duek paihuen te avan phawng.
- E. Mami muithla dawng dooengna la aka awm Khrih Muithla lawng hingna la va thoeng. Tede mami thisa dawng thawlh nala aka awm Seitan tah duek nala va thoeng.
- F. Thlaanghing atlaakna kalawng ah patoeng thawlh lawng te oenah haih duekna te avan khuen tih, thlaanghing pum dawng ava kuun coengah, tete a dueksak tih, Pathen thaihuthli dawng saithaina nawh la a awmsak.
1. Pathen lawng thisa dawng thawlh te awlcek la awm poen de (Rom 8:3), hekah thawlhna tah thlaanghing kah aka tla pum kalawng azung aboetna nawhatah haatana va awm thlan huen.
  2. Tedawngah mami kah pum tah aka duek la ni a awm huen.
- G. Rom 8:10 dawng kah muithla tah aka tla thlaang-hing pum oen aka thunkha u athai cuunkoepka ka awm thlaanghing muithla la awm.
- H. Muithla lawng dooengna rangoen ahingna tetah mami kah thlaanghing muithla te athuingaih nala awm tih, Pathen Muithla te athuingaihna nawh ni.
- I. Mami muithla tah athai cuunkoep la a awm bueng muehla, a hingsak la khawseh awm. Tetah hing nala va awm.
1. Mami lawng Khrih khuiah n’tangna u vengah hingna kah Pathen ben Muithla la Bawipa tah mami muithla khuila va kuun tih, Amah roe oen thoekhaihna te a khueh.
  2. Tetila muithla pahih lawng pakhat bueng muithla la vacoeng – 1Kor 6:17.
- J. Pathen kah dooeng nala m’phasakna dawngah mami lawng dooengna te n’dang u, tetah thumkhat Pathen Amah roe lawng mami cooengna khuiah, mami muithla khuiah avakuunna te ni-Rom 8:10.
1. Hekah dooengna lawng hingna te athoengsak – 5:18, 21.
  2. Tahe mami muithla tah a hing bueng muehla, hing nala khawseh va awm.

**VIII. “Te bueng ouhla Jesu te duekna kalawng aka thawhkoep sakkung Pathen Muithla te nangmi khuiah a awm poen atah, Khrih te duekna kalawng aka thawhkoep sakkung Pathen lawng nangmi khuiah aka awm Amah Muithla rang oen aka duek thai nangmi pum tekhawseh hingna a peek ai” – Rom 8:11.**

- A. He athan dawngah mami lawng thumkhat Pathen apumboeih – “Jesu te duekna kalawng aka thawhkoep sakkung Bawi”, “Khrih Jesu” oen nangmi khuiah aka awm Amah kah Muithla te n’huh u.
- B. *Aka duek thai nangmi kah napumthli tekhawseh hingna a peek ai* ti awl dawng tuengsakla aka awm Khrih lawng Amah roe te oengcathli khuiah rekraa la awm; Tetah mami cooengna

- kah laklungkir bueng ah aka awm rekraana nawh tih, arimawng boeihboeih, mami cooengna apumboeih dawng khawseh aka pha rekraa nala awm.
- C. *Hingna apeek* ti hetah Pathen ben tlawh hoeihsak nate athuinuetna nawh tih, mami lawng, Pathen Muithla te mami dawngah imsak awmna ham oen mami cooengna apumboeih dawng Pathen ben hingna oenah saak n'kuunsak ham atue peekna kah thaitak te athuingaih na ni.
- D. He alawngim dawng Bawipa lawng Amah kah hingna te mami kah aka duekthai, aka duektawm pum te ahoeihsakna bueng muehla, Bawipa kah akawngaih nate khuensak hamla hingsai-sakham la peek la awm.